

Kalaallit Nunaanni eqqartuussisarnermik inatsimmik aamma pinerluttulerinermi inatsimmik atorunnaarsitsineq pillugu aamma Kalaallit Nunaanni eqqartuussisarnermik inatsisip nutaap pinerluttulerinermilu inatsisip nutaap atortuulersinneqarnerannut atatillugu inatsisitigut aalajangersakkanik assigiinngitsunik allannguneq pillugu inatsit
(Kalaallit Nunaanni eqqartuussisarnermik aamma pinerluttulerinermi inatsisitaarnerup il.il. malitsigisaanik allannguutit)

§ 1

Kalaallit Nunaanni eqqartuussisarnermik inatsit, tak. inatsimmik nalunaarut nr. 99, 21. marts 1984-imeersoq, atorunnaarsinneqarpoq.

§ 2

Kalaallit Nunaanni pinerluttulerinermi inatsit, tak. inatsimmik nalunaarut nr. 49, 13. februar 1979-imeersoq, atorunnaarsinneqarpoq.

§ 3

Sulisilluni ajoqusernerup kingunerisassaannut isumannaarineramik inatsisip Kalaallit Nunaanni atortuulersinneqarneranik peqqussut nr. 273, 24. april 2001-imeersoq, tak. inatsimmik nalunaarut nr. 943, 16. oktober 2000-imeersoq, allanngortinneqartoq inatsimmi nr. 1329-mi 20 december 2000-imeersumi § 4-kut, imaattumik allannguisoqassaaq:

1. § 4, *imm. 1* atorunnaarsinneqarpoq.

Imm. 2-4 matuma kingorna imm. 1-3-ngussapput.

§ 4

Eqqartuussisarnermik inatsimmi, tak. inatsimmik nalunaarut nr. 1261, 23. oktober 2007-imeersoq imatut allannguisoqassaaq:

1. § 133, *imm. 4, oqaaseqatigiit pingajuanni* >>nunap eqqartuussisuuneqarfia<<-ta kingorna ilanngunneqassaaq: >>suleqatit eqqartuussivittut Kalaallit Nunaata Eqqartuussisuuneqarfianut<<.

2. § 133, *imm. 5, oqaaseqatigiit aappaanni* >>nunap eqqartuussisuuneqarfia<<-ta kingorna ilanngunneqassaaq >>suleqatit eqqartuussivittut Kalaallit Nunaata eqqartuussisuuneqarfia<<.

3. § 134, *imm. 1-imi* >>nunap eqqartuussisuuneqarfia pineqartoq<<-ip kingorna ilanngunneqassaaq >>matumani ilanngunneqarluni Kalaallit Nunaata eqqartuussisuuneqarfia<<.

§ 5

Inatsit atortuulersinneqarpoq ulloq 1. januar 2010.

Christiansborg Slot-imi tunniunneqarpoq ulloq 30. april 2008

Kunngiussutsitsinnik Atsiorpugut Naqissusiillutalu

MARGRETHE R.

/Lene Espersen